



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

ZL.Anr.1121/2017

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Gyltene Sylejmani, Fejzullah Rexhepi, Nenad Lazić, Afijete Sada-Gllogjani, Zyhdi Haziri, Faton Ademi dhe Adnan Konushevcu anëtarë, si dhe me pjesëmarrjen e Zyrtares Ligjore Anita Peci, duke vendosur përkitazi me apelin e subjektit politik Partia Demokratike e Kosovës (PDK), me seli në Prishtinë, dega në Klinë, paraqitur kundër vendimit të Komisionit Qendror të Zgjedhjeve (KQZ), me seli në Prishtinë, për shpalljen e rezultatit përfundimtar të Zgjedhjeve Lokale, për Raundin e dytë, për Kryetar të Komunës së Klinës, për shkak të parregullsive gjatë procesit zgjedhor, të datës 19.11.2017, në seancën e panelit të mbajtur me datë 01.12.2017, mori këtë:

V E N D I M

HUDHET SI I PALEJUAR apeli i subjektit politik Partia Demokratike e Kosovës (PDK), me seli në Prishtinë, dega në Klinë, paraqitur për shkak të keqpërdorimeve gjatë procesit zgjedhorë, në ditën e votimit, për Raundin e Dytë të Zgjedhjeve Lokale të datës 19.11.2017.

A r s y e t i m

Ankesa e parashtruar nga e subjektit politik Partia Demokratike e Kosovës, me datë 30.11.2017, paraqitur kundër vendimit Komisionit Qendror të Zgjedhjeve (KQZ), me seli në Prishtinë, pas shpalljes së rezultatit përfundimtar të Zgjedhjeve Lokale, për Raundin e dytë, për Kryetar të Komunës së Klinës, paneli e ka trajtuar dhe proceduar në këtë fazë të procesit zgjedhor si apel, në kuptim të dispozitës ligjore të nenit 3 par.8 Rregullës Nr.02/2015, të Rregullave dhe Procedurave të PZAP-it. Sipas nenit 2 të Rregullës Nr.02/2015, të Rregullave dhe Procedurave të PZAP-it, Apel do të thotë mjetë i rregullt juridik, kundër vendimeve të organit të shkallës së parë, siç është KQZ-ja, në këtë rast, lidhur me nenin 122 të LZP-së.

Parashtruesi i apelit Subjekti politik Partia Demokratike e Kosovës (PDK), me seli në Prishtinë, Dega në Komunën e Klinës, e cila identifikohet me shenjën ZL.Anr.1121/2017, me të cilën ka theksuar se gjatë procesit zgjedhor për balotazh me 19.11.2017, të zhvilluar në Komunën e Klinës, komisionerët dhe vëzhguesit e tyre kanë hasur në shumë keqpërdorime të natyrave të ndryshme, si votimi dhe nënshkrimi në emër të personave të vdekur, votimi dy herë dhe më shumë i një personi, votimi në emër të personave që jetojnë jashtë Kosovës.

Parashtruesi i ankesës si dëshmi ka bashkangjitur deklaratat e Komisionerëve dhe një CD.

PZAP-i, pas shqyrtimit të lejueshmërisë së apelit, në kuptim të nenit 117 të LZP-së, gjeti se pretendimet e parashtruesit të apelit në këtë fazë të procesit zgjedhor janë të **palejueshme**, për këto arsye:

Siç është e përcaktuar me LZP dhe me Rregulla Zgjedhore, secila fazë e procesit zgjedhore, i ka afatet e caktuara ligjore, për të parashtruara ankesa dhe apele në PZAP, që ndërlidhen me fazën e procesit zgjedhor, që është duke u zhvilluar. Në këtë rast konkret, tani jemi në fazën e procesit zgjedhor, pas publikimit të rezultatit përfundimtar të zgjedhjeve lokale për raundit të dytë, të mbajtura me datë 19.11.2017, për kryetar të komunave.

Paneli vlerëson se kjo fazë e procesit zgjedhor, është e ankimeshme vetëm sa i për këtë vendimit të KQZ-së pas shpalljes së rezultatit përfundimtar, për kryetar të komunave dhe atë për parregullsitë e shkaktuar gjatë administrimit të të dhënave në QNR, mospërputhjet e FPR-ve, FRK-ve, dhe provave që eventualisht i sjell pala që ka interes ligjor, e të cilat prova nuk përputhen me rezultatin përfundimtar të zgjedhjeve, apo parregullsitë të cilat kanë qenë të ditura publikisht dhe që janë konsideruar nga paneli se mund të kenë ndikim drejtpërdrejt në rezultat final dhe që minojnë procesin zgjedhor, por nuk janë përmirësuar respektivisht nuk janë eliminuar nga KQZ-ja, edhe pas shpalljes së rezultatit përfundimtar të zgjedhjeve, siç është rasti i Parteshit, (ku në parregullsi ishte i përfshirë drejtpërdrejt kandidati që garonte në zgjedhje në atë komunë) i vendosur nga PZAP-i, për parregullsitë për ditën e votimit me vendimin ZL.Anr.447/2017 i datës 25.10.2017 dhe vendimi i PZAP-it, për të njëjtën komunë, i vendosur pas shpalljes së rezultatit përfundimtar nga KQZ-ja, për kryetar të kësaj Komune, ZL.Anr.560/17 i datës 02.11.2017, dhe i vërtetuar me vendimin e Gjykatës Supreme U.ZH.-A.A.nr.28/2017 i datës 06.11.2017.

Prandaj, pretendimet ankimore të parashtrueses së apelit, se në ditën e votimit për raundin e dytë të zgjedhjeve lokale të mbajtura me datë 19.11.2017, që i referohen parregullsi: vëzhguesit dhe komisioneret e parashtrueses së apelit kanë vërejtur, se ka pas shkelje të Ligjit për Zgjedhjet si dhe Rregullave të KQZ-së, pasi që në qendrat e votimit në Komunën e Klinës, ka pas raste që është votuar dhe nënshkruar në emër të personave të vdekur, votim të dyfishtë dhe votim në emër të personave që jetojnë jashtë Kosovës. Këto pretendime vlerësohen nga paneli se në këtë fazë të procesit zgjedhor janë të paluejshme, sepse për të gjitha parregullsitë që ndërlidhen me ditën e votimit, afati për të parashtruar ankesë në PZAP, ka qenë 24 orë nga mbyllja e Qendrave të Votimit, në këtë rast afati për të parashtruar ankesë në PZAP, ka qenë deri me datë 20.11.2017, në ora 19:00.

Dispozita ligjore e nenit 119 par.1 të LZP-së me Nr.03/L-073, i ndryshuar dhe i plotësuar me LIGJIN Nr. 03/L-256, parasheh se: *“Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket procesit zgjedhor të rregulluar sipas këtij ligji ose rregullave zgjedhore,, mund të paraqesë ankesë PZAP-it brenda 24 orëve nga momenti i mbylljes së qendrës së votimit, dhe PZAP-i do të vendos për ankesën brenda 72 orëve nga koha kur është pranuar ankesa”*.

Andaj, paneli nga arsyet e theksuara me lart, duke u bazuar në dispozitën e lart cituar ligjore, lidhur me nenin 118 të LZP-se, si dhe duke u bazuar ne nenin 11 par. 5, të Rregullës Nr.02/2015, të PZAP-it, vendosi si në dispozitiv të këtij vendimi.

Paneli Zgjedhor për Ankesa dhe Parashtrësa

ZL.Anr.1121/2017 me datën 01.12.2017



**Kryesuese e panelit
Gyltene Sylejmani**

Këshillë Juridike: Kundër këtij vendimi është e lejuar ankesa brenda njëzetekatër (24) orëve nga momenti i marrjes-pranimet të këtij vendimi Gjykatës Supreme të Kosovës.